

Treoirnótáí chun d’Fhoirm Iarratais ar Chead Foghlaimeora a chomhlánú

Cuid 1: Sonraí Pearsanta

1. Má bhí cead foghlaimeora nó ceadúnas tiomána agat in Éirinn roimhe sin, ní mór duit an uimhir tiomána a sholáthar (tá sé seo le fáil ag 4d ar an gceadúnas plaisteach nó 5 ar an gceadúnas páipéir)
2. Roghnaigh de réir mar is cuí
3. Is é seo an céadainm a thaispeánfar ar do chead foghlaimeora. Ní mór go mbeadh an t-ainm seo díreach mar a chéile leis an Aitheantas Grianghrafadóireachta (liosta 1 ar leathanach 2 de na nótaí seo).
4. Is é seo an sloinne a thaispeánfar ar do chead foghlaimeora. Ní mór go mbeadh an t-ainm seo díreach mar a chéile leis an Aitheantas Grianghrafadóireachta (liosta 1 ar leathanach 2 de na nótaí seo) arna chur ar fáil.
5. Cuir isteach an t-ainm mar a fheictear é ar do theastas breithe.
6. Má d’athraigh do shloinne ó eisíodh do chead foghlaimeora nó do cheadúnas tiomána deiridh ní mór duit an chúis a thabhairt le fios agus cáipéisíocht thacaíochta a chur ar fáil (e.g. teastas pósta, deimhniú colscartha/scartha, deimhniú um ghníomhas aonpháirtí). Teastaíonn cáipéisí bunaidh. I gcomhair tuilleadh sonraí feic www.ndls.ie
7. Ba cheart gur ionann do sheoladh agus an áit ina gcónaíonn tú de ghnáth; do mhac léinn is ionann é seo agus an teach baile go ginearálta. Ba cheart go mbeadh an seoladh ar an bhfoirm iarratais díreach mar a chéile leis an bhfianaise seolta a cuireadh ar fáil nach féidir a bheith níos mó ná 6 mhí d’aois ag dáta an iarratais. Feic liosta 2 ar leathanach 2. Tabhair faoi deara nach féidir glacadh le cóiríocht do mhac léinn, seoltaí gnó ná seolta ‘faoi choimirce’. Ní mór go mbeadh an t-ainm ar an gcáipéis chruithúnas ar sheoladh díreach cosúil leis an ainm ar an bhfoirm iarratais.
8. Ní mór go mbeadh do dháta breithe mar a chéile leis an dáta ar d’Aitheantas Grianghrafadóireachta agus/nó Teastas Breithe.
9. Roghnaigh de réir mar is cuí.
10. Is é is UPSP, Uimhir Phearsanta Seirbhíse Poiblí, ar aitheantóir uathúil é a chuidíonn leat sochair stáit a rochtain, tá uimhir UPSP éigeantach agus is ga í a chomhlíonadh. Ní mór Cruthúnas UPSP a chur ar fáil (feic liosta 1). Mura bhfuil UPSP agat nó mura bhfuil tú in ann í a rianú, déan teagmháil leis an Roinn Coimirce Sóisialaí ar 1890 927 999. I gcás go ndearna custaiméir iarratas leis an NDLS agus gur eisíodh ceadúnas dó ón 29 Deireadh Fómhair 2013, níl aon riachtanas le UPSP a chur i láthair arís. Má d’athraigh do UPSP, ba cheart fianaise a chur ar fáil.
11. Má rugadh i bPoblacht na hÉireann tú, luaigh an contae inar rugadh tú. Má rugadh taobh amuigh de Phoblacht na hÉireann tú, luaigh an Tír inar rugadh tú.
12. Cuir isteach do shonraí teagmhála. Tabhair faoi deara nach nglactar ach le huimhreacha ghutháin phóca Éireannacha. Má bhíonn gá dúinn teagmháil a dhéanamh leat i ndáil le d’iarratas, úsáidimid an modh cumarsáide ia rogha leat. B’fhéidir go mbeadh gá do NDLS, i gcúinsí áirithe modhanna cumarsáide eile a úsáid le teagmháil a dhéanamh leat. Ní thabharfaimid d’fhaisnéis d’aon tríú páirtí seachas de réir an dlí.

Cuid 2: Sonraí an Chead Foghlaimeora

- 13(a). Roghnaigh de réir mar is cuí. Feic an seicliosta do Chead Foghlaimeora don cháipéisíocht riachtanach a théann le gach iarratas.
- 13(b). Ní bhaineann sé seo ach le sealbhóirí ceadúnais AE ar gá dóibh tástáil nó oiliúint a dhéanamh chun dícháiliú a bhaint tar éis dóibh a dtéarma dícháilithe a chríochnú I gcás gur dícháilíodh tú i dtír AE le coinníoll gur gá duit tástáil tiomána/oiliúint tiomána a dhéanamh, féadfaidh tú iarratas a dhéanamh ar chead foghlaimeora.
Ba cheart duit ráiteas iománaí ón Údarás Ceadúnais Eachtrach agus an ceadúnas eachtrach a chur ar fáil má tá sé agat. Ní mór duit an tástáil tiomána/oiliúint tiomána a dhéanamh laistigh de 2 mhí. Féadfaidh tú ansin iarratas a dhéanamh chun an ceadúnas eachtrach a mhalartú trí theastas inniúlachta/teastas um oiliúint tiománaí a chur ar fáil.
I gcás gur dícháilíodh tú i dtír AE le coinníoll gur gá duit tástálacha síceolaíocha a dhéanamh, féadfaidh tú iarratas a dhéanamh ar mhalartú ceadúnas tiomána agus is ga duit tuairisc Leighis a chur ar fáil.

14. Roghnaigh na catagóirí cuí. Tá tábla catagóirí lena n-áirítear cur síos, aois fosta agus coinníollacha eile maidir le ceadúnas a shealbhú le fáil ar leathanach 4 de na nótaí seo. Tabhair faoi deara: Ní féidir ach catagóirí ceadúnais lena bhfuil siad ina dteideal a thabhairt d’iarrthóir.
15. Cuir isteach sonraí faoi aon cheadúnas tiomána arna eisíúint i dtír eile
16. Má cailleadh/goideadh an ceadúnas tiomána nó chead foghlaimeora reatha nó is déanaí a eisíodh duit, ní mór duit dearbhú an Gharda Síochána a chomhlánú agus stampa a fháil air ag do stáisiún Gardaí áitiúil.

Cuid 3: Deonú Orgán

17. Más mian leat do chuid orgán a dheonú, féadfaidh tú seo a thairfeadh ar do chead foghlaimeora. Beidh cód ar an gcead a chuirfidh gairmithe leighis ar an eolas faoi seo. Ach, i gcoinneáil leis an seasamh dlí reatha, rachfar i gcomhairle le do neasghaol i gcás aon chinneadh den chineál seo

Cuid 4: Feiliúnacht Tiománaí – gach réimse éigeantach

18. Ní mór go mbeadh tuairisc um radharc na súl do cheadúnas tiomána le gach iarratas céaduaire ar chead foghlaimeora. Cuirfeadh an cód 01 le do chead foghlaimeora más gá duit spéaclaí nó lionsaí a chaitheamh le tiomáint. Má d’fhreagair tú ‘Is gá’ leis an gceist seo cheana agus tú ag freagairt ‘Ní gá’ anois ní mór duit tuairisc reatha um radharc na súl a chur ar fáil le d’iarratas (arna dhátú laistigh de mhí amháin ón iarratas) d’fhonn an srianadh a bhaint. Níl tuairisc um radharc na súl ag teastáil i gcás go gcuirtear tuairisc leighis ar fáil mura dtugann an dochtúir sin le fios.

19-39 agus 40C.

Má fhreagraíonn tú go dearfach le ceann ar bith de na ceisteanna seo, beidh foirm leighis reatha arna dhátú laistigh de mhí amháin ó dháta an iarratais ag teastáil.

Is gá do gach tiománaí os cionn 70 bliain (nó a dtéann a gceadúnas reatha in éag ar an oíche roimh a 70ú breithlá) a bhfuil iarratas á dhéanamh acu ar chead foghlaimeora, tuairisc leighis do cheadúnas tiomána ó Dhochtúir a chur ar fáil.

Ní mór tuairisc leighis do chead foghlaimeora ó Dhochtúir a bheith le gach iarratas ar cheadúnas Ghrúpa 2 (murar cuireadh ceann isteach cheana a chlúdaíonn tréimhse iomlán an cheada nó an cheadúnais agus a chlúdaíonn catagóirí ghrúpa 2.)

Cuid 5: Dearbhú an iarrthóra

41. Tríd an dearbhú seo a síníú tá tú ag deimhniú go bhfuil an fhaisnéis ar fad a tugadh fíor agus beacht, is cion atá ann faoi na hAchtanna um Thrácht ar Bhóithre chun faisnéis bhréige a thabhairt agus beidh pionóis i bhfeidhm.

Táillí agus íocaíocht

Is ionann an táille do gach chead foghlaimeora agus €35. Tá ceadanna foghlaimeora do dhaoine os cionn 70 saor in aisce. Níl aon táille chun sonraí pearsanta a athrú.

Glacfaidh an tSeirbhís Náisiúnta um Cheadúnais Tiomána leis an modhanna íocaíochta seo a leanas le d’iarratas: Airgead tirim Seic Dréacht Bainc Ordú airgid Cárta dochair / cárta creidmheasa / cárta creidmheasa réamhíochta.

Ní ghlacfaidh an NDLS ach le modh íocaíochta amháin i leith gach iarratais. Ní ghlacfaidh an NDLS ach le híocaíocht amháin le haghaidh iarratas amháin – ní ghlacfar le híocaíocht aonair i gcomhair roinnt iarratas.

Ní mór go mbeadh seic, dréachtaí bainc nó orduithe airgid iníochta leis ‘an tSeirbhís Náisiúnta um Cheadúnais Tiomána (NDLS)’. D’iarratais a íoctar le seic, tabhair faoi deara go gcuirfeadh na hiarratais sin ar feitheamh go dtí go nglantar an seic. Próiseálfad an NDLS íocaíochtaí cárta dochair agus creidmheasa de réir rialacha an Tionscail Chárta Íocaíochta (PCI). Más mian leat cárta dochair nó creidmheasa tríú páirtí a úsáid don íocaíocht, is ga go mbeadh an tríú páirtí i láthair chun an íocaíocht a dhéanamh.

Má thaispeántar Cárta Seirbhíse Poiblí (PSC) ag an ionad NDLS beidh do phróiseas iarratais níos simplí mar go sásaíonn an PSC na riachtanais a leanas.

- Aitheantas le grianghraf,
- Fianaise ar UPSP,
- Fianaise ar sheoladh (i gcás go bhfuil gur tugadh do sheoladh don Roinn Gnóthaí Fostaíochta agus Coimirce Sóisialaí (DEASP),
- Fianaise ar theidlíocht chónaithe (i gcás go bhfuil d'áit bhreithe nó do náisiúntacht laistigh den Aontas Eorpach / Limistéar Eorpach Eacnamaíoch/ Eilvéis).

Chun tuilleadh eolais a fháil maidir le Cárta Seirbhíse Poiblí a fháil, tabhair cuairt ar www.psc.gov.ie nó déan teagmháil le d'oifig Roinn Gnóthaí Fostaíochta agus Coimirce Sóisialaí áitiúil.

Seirbhís ar líne NDLS

Ó Mheitheamh 2018 ar aghaidh, má bhíonn Cárta Seirbhíse Poiblí (PSC) agat agus má tá cuntas MyGovID fíoraithe agat, d'fhéadfá a bheith incháilithe chun do cheadúnas tiomána/chead foghlaimeora a athnuachan ar líne. Tabhair cuairt ar www.ndls.ie chun tuilleadh a fhoghlaim ndáil leis an tseirbhís ar líne.

Mura bhfuil Cárta Seirbhíse Poiblí (PSC) agat, is gá duit cáipéisíocht a thaispeáint ag an ionad NDLS chun na 4 riachtanas a leanas a shásamh; 1. Aitheantas le Grianghraf, 2. Fianaise ar sheoladh, 3. Fianaise ar UPSP agus 4. Fianaise ar theidlíocht chónaithe.

Liosta 1: Aitheantas le grianghraf

- Cárta Seirbhíse Poiblí
- Pas Éireannach nach féidir a bheith éagtha ar feadh níos mó ná 12 mhí
- Ceadúnas tiomána nó cead foghlaimeora Éireannach
- Pas reatha do gach saoránach neamh-Éireannach (bailí lena úsáid go hidirnáisiúnta)
- Cárta Aitheantais Náisiúnta reatha do shaoránaigh AE/LEE/Eilvéise
- Teastas Eadóirseachta Éireannach
- Ceadúnas tiomána RA reatha le grianghraf
- Cáipéis taistil Éireannach reatha

Liosta 2: Fianaise ar sheoladh

- Cárta seirbhíse poiblí
- Tabhair faoi deara. Caithfidh fianaise ar sheoladh a bheith dátaithe laistigh de 6 mhí ó dháta an iarratais.
- Bille fónais. Ní ghlacfar le billí ghuthán soghluaiste
 - Ráiteas nó comhfhreagras eile ó bhanc/chumann foirgníochta/chomhar creidmheasa lena n-áirítear ríomh-Ráitis
 - Litir ón Roinn Gnóthaí Fostaíochta agus Coimirce Sóisialaí/ó na Coimisinéirí Ioncaim
 - Comhfhreagras oifigiúil eile ó ghníomhaireacht stáit Éireannach.
 - Comhfhreagras ar pháipéar ceanteidil ó comhlacht oideachais nó oiliúna e.g. iar-bhunscoil; ollscoil; institiúid teicneolaíochta nó coláiste.
 - Comhfhreagras ó chuideachta árachais maidir le polasaí árachais sláinte/saoil/cairr reatha

Liosta 3: Fianaise ar UPSP

- Cárta seirbhíse poiblí/cárta seirbhíse sóisialta
- Comhfhreagras ó na Coimisinéirí Ioncaim/ón Roinn Coimirce Sóisialaí ar a dtaispeántar UPSP
- P21/Measúnú Cánach/ Fógra maidir le Creidmheasanna Cánach
- Admháil ó íocaíocht leasa shóisialaigh ar a dtaispeántar UPSP
- Cárta leighis / cárta Scéim Íocaíochta Drugaí (DPS) / cárta Árachas Sláinte Eorpach
- Duillín pá nó P60/P45

Liosta 4: Fianaise ar theidlíocht chónaithe

- Cárta Seirbhíse Poiblí – i gcás go bhfuil d'áit breithe nó do náisiúntacht laistigh den AE/LEE/Eilvéis.
- Teastas breithe nó teastas uchtaithe (fada) Éireannach/RA
- Ceadúnas Tiomána/Cead foghlaimeora i gcás go dtaispeánann uimhir 3 go bhfuil an áit bhreithe taobh istigh den AE/LEE/Eilvéis
- Teastas iontrála ar Chlár Éireannach na mBreitheanna Eachtracha
- Pas Éireannach/cárta pas (reatha nó éagtha nach mó ná 12 mhí)
- Pas reatha do gach saoránach AE/LEE/Eilvéiseach (bailí lena úsáid go hidirnáisiúnta)
- Cárta Aitheantais Náisiúnta reatha do shaoránaigh AE/LEE/Eilvéise
- Teastas eadóirseachta Éireannach
- Teastas clárúcháin reatha (Cárta Bhiúró Náisiúnta an Gharda Síochána um Inimirce/cárta GNIB) nó cead cónaithe Éireannach (IRP) do shaoránaigh neamh-AE/LEE/ Eilvéise (caithfear na cártaí GNIB agus IRP a thaispeáint mar aon le pas reatha bailí le húsáid go hidirnáisiúnta nó Cárta Seirbhíse Poiblí)

Tá tuilleadh faisnéise maidir le cáipéisí inghlactha ar fáil ar www.ndls.ie

Nuair atá iarratas á dhéanamh, seachain línte sna hionaid trí cuairt a thabhairt ar an gcóras áirithinte ar líne ag www.ndls.ie. Féadfaidh tiománaithe le huimhir tiomána bhailí nó uimhir PSP a gcuairt a chur in áirithe i gcomhair dáta agus am a fheileann dóibh.

Ionaid NDLS

Tabhair faoi deara: Ní féidir leis na hionaid seo ach iarratais a dhéanann an duine ar an láthair a phróiseáil. Ná postáil iarratas chuig na hionaid seo mar ní phróiseálfar é

Ceatharlach Aonad 1, Urlár na Talún, Ionad Sráidbhaile na Gráige, An Ghráig Co. Ceatharlach

An Cabhán Aonad 5, Ionad Siopadóireachta an Chabháin, An Phríomhshráid, An Cabhán

An Clár Aonad 4, Ionad Siopadóireachta Inse, Inis

Corcaigh Aonad Tráchtála 1, Halla Copley, Sráid Mhic Coitir, síos ó Shráid Copley, Corcaigh

Corcaigh An Chéad Urlár, Comharchumann Marglainne Corcaí, Bóthar na Maí, An Sciobairín

Corcaigh Oifig 17 (An Dara hUrlár), Ionad Siopadóireachta Chearnóg an Mhargaidh, Mala Dún

Dún na nGall Aonad 7, Cúinne Boyce, Bóthar an Chalafoirt, Leitir Ceanainn

Dún na nGall Eurohouse, Bóthar na gCealla Beaga, Baile Dhún na nGall

Baile Átha Cliath Aonad 9, Ionad Siopadóireachta Bhaile na Lobhar, Bóthar Bhaile Uí Ógáin, Baile Átha Cliath 18

Baile Átha Cliath Aonad H Oifigí Own Door, Ionad Siopadóireachta Iarthar na Cathrach, Iarthar na Cathrach

Baile Átha Cliath Aonad 236, Ionad Siopadóireachta Pháirc Omni, Bóthar Shoir, Seantrabh

Baile Átha Cliath Aonad 3, Urlár 3, Ionad Siopadóireachta Clarehall, Bóthar Mhullach Íde

Gaillimh Urlár na Talún, Bloc 1, Páirc Ghnó Oirthear na Cathrach, Páirc Ghnó Bhaile an Bhriotáigh

Gaillimh An Clochán (Oscailte Dé Luain amháin, 9am go 4pm), Óstán an Station House

Ciarráí Aonad Idirurláir, Ionad Siopadóireachta an Mhainéir Thiar, Trá Lí

Cill Dara 5B Teach an Leamháin, Páirc na Mílaoise, An Nás

Cill Chainnigh Aonad 2E, An Chéad Urlár, Ionad Cillín Hill, Bóthar Bhaile Átha Cliath, Cill Chainnigh

Laois Aonad 29A, Ionad Siopadóireachta Laoise, Port Laoise

Liatroim Aonad 7, Lána an Droichid, Cora Droma Rúisc

Luimneach Aonad 29, Ionad Siopadóireachta Bhealach na Páirce, Bóthar Bhaile Átha Cliath, Luimneach

An Longfort Seomra 3, Ionad Gnó, Ionad Siopadóireacht an Longfoirt, An Longfort

Lú Urlár na Talún Aonad 3, Ionad Siopadóireachta Gheata an Deiscirt, Bóthar Bhaile Átha Cliath, Droichead Átha

Maigh Eo Sráid Antroma Nua, Caisleán an Bharraigh

Maigh Eo Béal an Mhuirthead (Oscailte Dé Máirt amháin, 9am go 4pm), Óstán Chuan Chnocán na Líne

An Mhí Aonad 3 Bealach Uí Fhionnagáin, Sráid Emmet, Baile Átha Troimh

Muineachán Oifig 2, An Chéad Urlár, Teach Uí Chleircín, Cearnóg na Seanchroise, Muineachán

Uíbh Fhalí Seomra 201, Seomra an Dúin, Foirgnimh an Chaisleáin, Sráid na Teamhrach, An Tulach Mhór

Ros Comáin Aonad 1, Páirc Ghnó an Ráschúrsa, Ros Comáin

Sligeach Urlár na Talún, Teach na Mílaoise, Sráid Stiofáin, Sligeach

Tiobraid Árann Seomra 5A, An Dara Urlár, Teach Bhaile an Phaoraigh,

Páirc Ghnó Ghort na bhFlúir, Cluain Meala

Tiobraid Árann 10 Sráid an Airgid, an tAonach

Port Láirge Ionad Siopadóireachta Phort Láirge, Lios Dúgáin, Port Láirge

An Iarmhí Ionad Siopadóireachta Oileán an Óir, Baile Átha Luain

An Iarmhí Aonad 1A, Ionad Siopadóireachta an Mhuilinn Chearr, Bóthar an Ásaigh, an Muileann gCéarr

Loch Garman 7a an Chearnóg, Cearnóg Mhic Réamainn, Loch Garman

Cill Mhantáin Aonad C16, Ionad Fiontair Chill Mhantáin, An Mhuiríoch, Cill Mhantáin

Eolas Ginearálta:

Eisítear cead foghlaimeora do thiománaithe atá ag foghlaim le tiomáint

Ní féidir leat iarratas a dhéanamh ar chead foghlaimeora i ndáil leis an gcatagóir sin má tá ceadúnas tiomána iomlán agat i gcatagóir a d'eisigh údarás inniúil i mballstát den Aontas Eorpach nó den Limistéar Eorpach Eacnamaíoch nó ó aon "stát aitheanta" chun críocha tiomána. Má tá ceadúnas agat ó thír AE/LEE eile agus gur mian leat iarratas a dhéanamh ar chead foghlaimeora i gcatagóir nua ní mór duit do cheadúnas iomlán a sheoladh isteach chun críocha taifeadta.

Teidlíocht chónaithe

Tá teidlíocht chónaithe de dhíth i gcomhair gach iarratas NDLS. Caithfear fianaise ar theidlíocht chónaithe a chur ar fáil leis an gcéad iarratas chuig NDLS agus d'fhéadfaí go mbeadh gá é a sholáthar le iarratais ina dhiaidh sin cosúil le hathnuachana, catagóir a chur leis, ceadúnais ionaid agus athrú le sonraí pearsanta.

I gcás athnuachana, catagóir a chur leis, ceadúnais ionaid, athrú le sonraí pearsanta – ní bheidh fianaise ar theidlíocht chónaithe ag teastáil ach i gcás:

Go bhfuil an áit bhreithe ar do cheadúnas nó cead reatha taobh amuigh den AE/LEE/Eilvéis (Taispeántar áit bhreithe ag uimhir 3 ar do cheadúnas tiomána/chead foghlaimeora agus taifeadtar ar do thaifead tiománaí é)

NÓ

Má tá Cárta Seirbhíse Poiblí agat agus má tá d'áit bhreithe agus náisiúntacht taifeadta amháil a bheith taobh amuigh den AE/LEE/Eilvéis, beidh ort fianaise ar theidlíocht chónaithe a sholáthar.

Féach Liosta 4 ar leathanach 2 de na nótaí treoracha i gcomhair liosta cáipéisí is féidir a úsáid mar fhianaise ar theidlíocht chónaithe.

Tréimhse an Cheada:

Is iondúil go maireann an chéad agus an dara cead foghlaimeora ar feadh dhá bhliain an ceann. Má tá tríú cead nó aon chead ina dhiaidh sin a thógáil amach agat, ní mór duit fianaise cháipéisíochta a léiriú gur thóg tú agus gur theip ort i dtástáil tiomána sna dhá bhliain roimhe sin nó go bhfuil coinne ag teacht aníos agat do thástáil tiomána. Má tá tástáil déanta agat tabharfar cead dhá bhliain ach má tá dáta tástála agat ní mhaireann do chead ach bliain amháin. Má tá do chead foghlaimeora éagtha le 5 bliana nó níos mó, ní mór duit an próiseas a thosú as nua agus caithfear leat mar iarrthóir agus is gá duit an tástáil teoirice a shuí arís.

Tástáil Teoirice Tiomána:

Do chéad iarratas ar chead foghlaimeora i gcatagóir cheadúnais áirithe, beidh ort tástáil teoirice tiomána a phasáil. Meastar gur céad iarratas atá ann mura bhfuil an chatagóir seo i do sheilbh le cúig bliana anuas. Leagtar amach sa tábla thíos na catagóirí cheada éagsúla agus an tástáil/na tástálacha teoirice ábhartha. I gcomhair tuilleadh faisnéise feic www.rsa.ie

Cead Foghlaimeora catagóir faoi iarratas	Tástáil Teoirice de dhíth
AM, A1, A2, A	AM
B, BE, W	BW
D, DE, D1, D1E	D*
C, CE, C1, C1E	C*

*Teastaíonn CPC do thiománaithe ar bith gur mian leo iarratas a dhéanamh ar chead foghlaimeora atá faoi 21 do chatagóirí C agus CE agus faoi 24 do chatagóirí D agus DE

Riachtanais um Fheiliúnacht Tiománaí agus Thuairisc Leighis:

Ní mór do thiománaithe caighdeán áirithe feiliúnachta leighis a bhaint amach d'fhonn tiomáint go sábháilte. Má mholann do dhochtúir duit stopadh ag tiomáint is cion atá ann leanúint ag tiomáint agus bíonn tionchar aige ar do chúlúdach árachais. Teastaíonn caighdeán níos airde feiliúnachta leighis ó thiománaithe feithiclí Ghrúpa 2 (leoraithe nó busanna) ná mar a theastaíonn ó thiománaithe feithiclí Ghrúpa 1 (carranna, gluaisrothair agus feithiclí oibre).

Ní mór go mbeadh gach foirm um thuairisc leighis dátaithe laistigh de mhí amháin ón iarratas

Ní mór go mbeadh Dochtúirí cláraithe ar Chlár Ginearálta na gCleachtóirí Leighis in Éirinn

Tá foirmeacha um thuairisc leighis do cheadúnas tiomána agus um thuairisc ar Radharc na Súl a íoslódáil ó www.ndls.ie nó tá siad ar fáil ón ionad NDLS áitiúil

I gcomhair tuilleadh faisnéise ar chaighdeáin leighis do thiománaithe ghrúpa 1 agus ghrúpa 2 feic an cháipéis "Sláinte agus Tiomáint" ar www.rsa.ie.

Agus an chéad iarratas á dhéanamh, ní mór duit tuairisc um radharc na súl a chur ar fáil. Níl tuairisc um radharc na súl ag teastáil i gcás go gcuirtear tuairisc leighis ar fáil mura dtugann an dochtúir sin le fios.

I gcás go bhfreagraítear go dearfach le ceist ar bith faoi Shláinte agus Feiliúnacht i gcuid 4 (seachas 40(a) nó 40(b)) den fhoirm iarratais, beidh gá le tuairisc leighis

Ar bhunús na faisnéise ar d'fhoirm iarratais, d'fhéadfaí iarradh ort tuairisc leighis a sheoladh isteach

D'fhéadfadh comhairle ó do Dhochtúir a bheith ag teastáil d'fhonn ceisteanna áirithe i gcuid 4 den fhoirm iarratais a fhreagairt. Is é cuspoir na gceisteanna a chinntiú go bhfuil tú ar an eolas ar na tosca a mbíonn tionchar acu ar do thiomáint. I gcásanna áirithe, má bhíonn riocht ar leith agat, tabharfar cead duit ar feadh tréimhse níos giorra ama (e.g. ar feadh bliana amháin in ionad dhá bhliain)

Fíorú Aitheantais:

Caithfidh gach custaiméir den tSeirbhís Náisiúnta um Cheadúnais Tiomána teacht i láthair ionad NDLS áit a nglacfar a bpictiúr agus a ndeimhneofar a n-aitheantais.

Beidh ar gach custaiméir nua cáipéisí a chur ar fáil chun a n-aitheantas a dheimhniú. Tá 4 chéim le sásamh ag an gcustaiméir sa phróiseas um dheimhniú aitheantais; 1. Aitheantas Grianghraif, 2. Fianaise ar sheoladh, 3. Fianaise UPSP agus 4. Fianaise ar theidlíocht chónaitheachta

Féadfaidh an tSeirbhís Náisiúnta um Cheadúnais Tiomána cáipéisí aitheantais a choinneáil chun próiseáil an iarratais a chumasú. Má choinníonn an t-ionad NDLS aon cháipéisí, eiseofar admháil agus seolfar na cáipéisí ar ais nuair a phróiseáiltear an t-iarratas. Leagtar amach ar liosta 1-4 na cáipéisí atá inghlactha.

D'fhéadfadh mír amháin riachtanais 2 liosta a shásamh mar shampla, d'fhéadfadh comhfhreagras ó na Coimisinéirí Ioncaim a bheith mar chruthúnas ar sheoladh agus cruthúnas ar UPSP

Faisnéis thábhachtach tar éis Cead Foghlaimeora a eisiúint duit agus gur mian leat tástáil tiomána a shuí

Má thugtar cead foghlaimeora duit d'fheithiclí i gcatagóirí A, A2, A1, AM, W nó B agus nach raibh cead foghlaimeora agat sna 5 bliana roimhe sin, ní mór duit fanacht 6 mhí sula beidh tú in ann tástáil tiomána a dhéanamh. Má tá ceadúnas tiomána iomlán agat a d'eisigh údarás inniúil i ndlínse eile, sa chatagóir chéanna le do chead foghlaimeora, a léiríonn go raibh teidlíocht agat sa chatagóir sin ar feadh 6 mhí ar a laghad ní gá duit fanacht 6 mhí sula ndéanann tú tástáil tiomána.

Oiliúint Riachtanach Tiomána (EDT)

Cúrsa oiliúna éigeantach atá san oiliúint riachtanach tiomána (EDT) ina múintear scileanna bunúsacha tiomána do thiománaithe cairr. Cúrsa 12 cheacht uair an chloig atá in EDT a dhéantar le teagascóir tiomána faofa a thaifeadfaidh do dhul chun cinn i logleabhar a eisítear go speisialta. Caithfidh gach tiománaí ar eisíodh a gcéad chead foghlaimeora ar an 4 Aibreán 2011 nó ina dhiaidh, nó nach raibh cead foghlaimeora acu le cúig bliana roimh an iarratas EDT a chomhlánú sula ndéanann siad an tástáil tiomána.
















Oiliúint Bhunaidh Tosaigh (IBT) do Ghluaisrothaithe

Cúrsa oiliúna éigeantach atá san oiliúint bhunaidh tosaigh (IBT) ina múintear scileanna bunúsacha rotháíochta do ghluaisrothaithe i mbun foghlama. Maireann an gnáthcúrsa 16 huair agus is féidir é a bhriseadh síos ina gceithre mhodúl, gur féidir a thógáil ag céimeanna éagsúla. Beidh ort cúrsa oiliúna IBT gluaisrothair a chríochnú sular féidir leat do rothar a thabhairt ar an mbóthar asat féin. Ag deireadh an chúrsa IBT, gheobhaidh tú teastas críochnaithe gur cheart a choinneáil le do chead foghlaimeora. Ní fhéadfaidh tú cúrsa IBT a dhéanamh ach le hoiliúiní faofa. Ní mór do gach sealbhóir cead foghlaimeora chatagóir A IBT a dhéanamh sula dtiomáineann siad ar an mbóthar seachas iad siúd ar eisíodh cead foghlaimeora chatagóir A dóibh faoi mhí na Samhna 1989 agus a bhfuil an teidlíocht sin fós acu.

I gcomhair faisnéis níos mionsonraithe i ndáil le IBT feic www.rsa.ie

Deimhniú ar Inniúlacht Ghairmiúil (CPC) – leoraithe agus busanna
Braitheann an aois íosta chun Cead Foghlaimeora a thógáil i gCatagóirí C, CE, D agus DE ar an dtógann tú an tástáil CPC don chatagóir cheadúnais sin (feic an tábla ar leathanach 4 de na nótaí seo). Má tá an CPC á thógáil agat, beidh ort tástáil teoirice CPC a dhéanamh agus nuair a bheidh an tástáil teoirice tiomána á dhéanamh agat beidh céim speisialta CPC leis an tástáil. I gcomhair faisnéis níos mionsonraithe i ndáil le CPC feic www.rsa.ie

Déantar cur síos sa Tábla thíos ar gach feithicil i gcatagóir ceadúnais mar aon le haois íosta agus coinníollacha eile a bhaineann le do cheadúnas tiomána do gach feithicil. Cuideoidh sé seo leat an ceadúnas gur mian leat iarratas a dhéanamh air a aithint.

Ceadúnas eile	Cur síos maidir le ceadúnas ón 19 Eanáir 2013	Aois íosta agus Catagóirí maidir le ceadúnas a shealbhú
 AM	Móipéid. Cuadrothair éadroma.	16
 A1	Gluisrothair le toilleadh innill nach mó ná 125cc, le rátáil cumhachta nach mó ná 11 kW agus cóimheas cumhacht le meáchan nach mó ná 0.1 kW/kg. Trírothaigh mhótair le rátáil cumhachta nach mó ná 15 kW.	16
 A2	Gluisrothair le rátáil cumhachta nach mó ná 35 kW, agus cóimheas cumhacht le meáchan nach mó ná 0.2 kW/kg agus nár díorthaíodh ó feithicil le níos mó ná dubailt a chumhachta.	18
 A	Gluisrothair. Trírothaigh mhótair.	20 (Rochtain leanúnach) 24 (Rochtain dhíreach) 21 Trírothaigh mhótair.
 B	Feithicil (seachas gluaisrothair, móipéid, feithicil oibre nó tarracóirí talún) agus MAM ¹ nach mó ná 3,500 kg acu, a dearadh nó a tógadh chun nach mó ná 8 paisinéirí a iompar mar aon leis an tiománaí agus i gcás nach bhfuil meáchan MAM ¹ an leantóra níos mó ná 750 kg. Níor cheart go mbeadh meáchan cónasctha MAM ¹ na feithicil tarraingthe agus an leantóra níos mó ná 3,500 kg. Tagann Cuadrothair (seachas iad siúd a chlúdaítear in AM) faoin gcatagóir seo chomh maith.	17
 BE	Meascán d'fheithicil tarraingthe i gcatagóir B agus leantóir i gcás nach mó meáchan MAM ¹ an leantóra mó ná 3,500 kg.	17 (Ní mór duit ceadúnas iomlán B a bheith agat roimh chead BE a fháil)
 W	Feithicil oibre agus tarracóirí talún. Arna sainmhíniú mar aon feithicil cumhachta ag rith ar rothaí nó rianta agus ar a laghad dhá acastóir, a bhfuil a príomhfheidhm ina cumhacht tarraingthe, a dearadh go speisialta chun uirlisí, innill nó leantóirí ar leith a tharraingt, a bhrú nó a oibriú, a úsáidtear i gcomhar le haon oibríochtaí talmhaíochta nó foraoiseachta, agus nach bhfuil a n-úsáid chun daoine nó earraí a iompar ar an mbóthar, nó feithicil a úsáidtear chun earraí a iompar ar an mbóthar a tharraingt ach ina fheidhm thánaisteach.	16
 C	Feithicil (seachas feithicil i gcatagóirí D nó D1, feithicil oibre nó tarracóirí talún) agus MAM ¹ os cionn 3,500 kg acu, agus a dearadh nó a tógadh chun níos mó ná 8 paisinéirí a iompar mar aon leis an tiománaí. Féadfar mótarfeithicil sa chatagóir seo a chónascadh le leantóir i gcás nach bhfuil MAM ¹ an leantóra níos mó ná 750 kg.	18 le CPC 21 gan CPC (Ní mór duit ceadúnas iomlán B a bheith agat sula bhfaigheann tú cead C)
 CE	Meascán d'fheithicil tarraingthe i gcatagóir C agus leantóir i gcás go bhfuil meáchan MAM ¹ an leantóra níos mó ná 750 kg.	18 le CPC 21 gan CPC (Ní mór duit ceadúnas iomlán C a bheith agat sula bhfaigheann tú cead CE)
 C1	Feithicil i gcatagóir C a bhfuil meáchan MAM ¹ nach mó ná 7,500 kg acu, agus cóiríocht acu do nach mó ná 8 paisinéirí mar aon leis an tiománaí. Féadfar mótarfeithicil sa chatagóir seo a chónascadh le leantóir i gcás nach bhfuil MAM ¹ an leantóra níos mó ná 750 kg.	18 (Ní mór duit ceadúnas iomlán B roimh chead C1 a fháil)
 C1E	Meascán d'fheithicil tarraingthe i gcatagóir C1 le leantóir i gcás go bhfuil MAM ¹ an leantóra níos mó ná 750 kg agus i gcás nach sáraíonn MAM ¹ cónasctha na feithicil tarraingthe agus an leantóra 12,000 kg. Meascán d'fheithicil tarraingthe i gcatagóir B le leantóir i gcás go bhfuil MAM ¹ an leantóra níos mó ná 3,500 kg agus i gcás nach sáraíonn MAM ¹ cónasctha na feithicil tarraingthe agus an leantóra 12,000 kg.	18 (Ní mór duit ceadúnas iomlán C1 bheith agat roimh chead C1E a fháil)
 D	Feithicil a dearadh nó a tógadh chun níos mó ná 8 paisinéirí a iompar mar aon leis an tiománaí agus i gcás nach bhfuil MAM ¹ an leantóra níos mó ná 750 kg.	21 le CPC 24 gan CPC (Ní mór duit ceadúnas iomlán B a bheith agat sula bhfaigheann tú cead)
 DE	Meascán d'fheithicil tarraingthe i gcatagóir D agus leantóir i gcás go bhfuil meáchan MAM ¹ an leantóra níos mó ná 750 kg.	21 le CPC 24 gan CPC (Ní mór duit ceadúnas iomlán D a bheith agat sula bhfaigheann tú cead DE)
 D1	Feithicil i gcatagóir D a dearadh agus a tógadh chun nach mó ná 16 paisinéirí a iompar mar aon leis an tiománaí agus uasfhad nach faide ná 8 méadar. Féadfar mótarfeithicil sa chatagóir seo a chónascadh le leantóir i gcás nach bhfuil MAM ¹ an leantóra níos mó ná 750 kg.	21 (Ní mór duit ceadúnas iomlán B roimh chead D1 a fháil)
 D1E	Meascán d'fheithicil tarraingthe i gcatagóir D1 agus leantóir i gcás go bhfuil meáchan MAM ¹ an leantóra níos mó ná 750 kg.	21 (Ní mór duit ceadúnas iomlán D1 a bheith agat sula bhfaigheann tú cead D1E)

MAM¹ Uasmhéachan Údaraithe

*Ní sainmhíniú dlíthiúil ar chatagóirí ceadúnais é seo. Chun tuilleadh a fháil amach faoi seo agus faoi fhaisnéis cheadúnaithe ghinearálta eile, feic ár suíomh gréasáin www.rsa.ie.

1. Uasmhéachan Údaraithe – Uasmhéachan Údaraithe (MAM). Is é seo meáchan feithicil nó leantóra agus an t-uaslód gur féidir léi a iompar san áireamh de réir sonraíochtaí deartha an déantóra. Tugtar Ollmhéachan Ceaptha Feithicil (DGVV) air chomh maith. I gcás ceadanna agus ceadúnais do chatagóirí C, CE, D agus DE (leoraithe agus busanna) braitheann an aois íosta gur féidir leat cáiliú ar an bhfuil an tástáil don Deimhniú ar Inniúlacht Ghairmiúil (CPC) á thógáil agat don chatagóir ceadúnais sin. Má tá an CPC á thógáil agat, beidh ort tástáil teoirice CPC a dhéanamh agus nuair a bheidh an tástáil teoirice tiomána á déanamh agat beidh céim speisialta CPC leis an tástáil. I gcomhair tuilleadh faisnéise ar CPC feic ár suíomh gréasáin www.rsa.ie/cpc. I gcomhair ceadanna gluaisrothair i gcatagóir A, ní féidir rochtain chéimnitheach ar chead a bhronnadh ag aois 20 ach má bhí ceadúnas iomlán ag an rothaí i gcatagóir A2 le dhá bhliain.